

一焉然和之者鼓也夫一萬事之本也能守一者可以治天下高祖善之賜通玄先生後不知所之

### 剪非務光服葵桂父

列仙傳務光者夏時人也耳長七寸好琴服蒲韭根殷湯伐桀因光而謀曰非吾事也湯曰孰可曰吾不知也湯曰伊尹何如曰強力忍垢吾不知他湯既克桀以天下讓光曰智者謀之武者遂之仁者居之古之道也吾子胡不遂之請相吾子光辭曰廢上非義也殺人非仁也人犯其難我享其利非廉也吾聞非義不食其祿無道之世不踐其位况於尊我我不忍也遂負石自沉蓼水已而自匿後四百餘年至武丁時

### 道藏輯要

三洞羣仙錄

庚

翼集四  
XO三

復見武丁欲相之不從武丁以輿迎而從辟不以禮遂投河浮山後遊尚父山真誥云務光剪韭以入清冷之泉是也又桂父者象林人時黑時白時赤時黃南海人見而尊事之常服桂及葵以龜腦和之千丸十斤桂父累世見之今荊州之南尚有桂丸焉

### 仙流譚宜客作子主

仙傳拾遺唐譚宜開元末生墮地能言數歲身逾六尺髭髮風骨不與常兒同不飲食行及奔馬後忽失所在遠近異之以爲神人鄉里立廟祀之大厯中忽還家卽霞冠羽衣真仙流也告別父母訖騰空而去